



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annotationes des hoech-||geleerten vnd Christlichen
doctoers Hiero-||nymi Emßers saeligen, vber Luthers new
Testa-||ment**

Emser, Hieronymus

Coellen, 1528

VD16 E 1091

Ausz dem heyligen Euangelio Johannis. Ausz dem. orsten capitel.

urn:nbn:de:hbz:466:1-35734

er sich nicht wenig da fur befaret / woelches
er wo er ein gut sach het nicht so sehr furchten
doerfft / dan wie **Paulus** sagt / So tregt der
fürst das schwert nicht den frommen / sonder
den boeßen tzur straff vnd rechtfertigung

Ausz dem heyligen Euan gelio Johannis.

Ausz dem. ersten capitel.



In dem sybenden Paragr. Do der
Text sagt / Dyß geschach tzu **Be**
thania / yensit des **Jordans** / **Men**
net Luther disen flecken nicht **Be**
thania / sonder **Bethabara** / wie
woll er nu des eyn scheyn hat auß **Chryso**
sto (wo dy buecher nicht gefelst sein) so fyn
det man doch bey etzlichen / als bey **Suida** dis
ortes / wed **Bethania** noch **Bethabara** / son
d **Thabara** bey etzliche (als **Eras.** antzeygt)
Bethaiba / Darumb das dye al vormeynē es
sey keyn **Bethania** / dan das / so vnden am oel
berg liget / nicht weyt von **Jerusalem**. **Aber**
dye glosa ordinaria vnd **Magister Alcu**
nus / sagenn / das eyn **Bethania** ybensyde
des **Jordans** gelegen sey / also **Christus** gbe

Iohannes

tenfft wordē/woelchs ouch wol möglich ist/
die weil die alten kriecheischen vnd lateinischen
text schier al **Bethania** vnd nicht **Bethabara**
noch **Bethaiba** diß orts yn sich haltē. Vñ
dergleichen ouch bey vns dewtschen offt vyll
steht oder flecken cyn namen haben/Dan wye
vil syn hall? wievil **Rotenburg?** wie vil ne wē
stadt? wie vil **Coeln** in dewtschen landen/der
halben **Luthervns**n text nicht so leichtlich ver
rucken od vorkeren solt.

B Am end diß **Capitels** da d' **Euangelist** sagt/
dan **Got** gibt den geist nicht nach dem maß.
Glossirt Luther vnd spricht. Ob wol des gei
sts gaben vnd werck nach d' maß aufsteilt wer
den. **Rom. xij. 7. i. Corin. xij.** doch d' geyst selbs
ist yn allen **Christen** reichlich vnd on maß auß
gossen/dz er/sund/todt/vorschlund vber d'ye
maß. **Tit. 3.**

L Dyse gloß reymet sich oerstlich zu dem text
diß orts gantz nichtzit/der nicht sagt von dem
geyst oder gaben die **Got** vns außteylet / sond
die er **Chro** seynē son gegebē hat/wie hernach
volgz/vñ er hat im alles in sein hād gegebē, 7c.

D Zum andn felschet **Luter** ouch hie dē spruch
Pauli. Tit. 3. d' wol sagt/wie **Got** seinen geyst
Paul? habunde/dz ist reichlich / vber vns außgossen
hab/er saget aber nicht ane maß. **Solus em̄ de
us immens̄ est. 7 solus immēsus eius spūs est.**

Aus dem vierden capitel.